



**Eryci[i] Pvteani Pietatis Thavmata In Bernardi Bavhvi[i]
è Societate Iesv Protevm Parthenivm**

Puteanus, Erycius

Antverpiæ, 1617

Y. Christvs Sol, Maria Luna. Virginis Proteum satis non fuisse, nisi & Filij
accederet. Vtriusque consideratio. Noua numerorum mysteria, & miracula.

[urn:nbn:de:hbz:466:1-70659](#)

se. Proteus ille tuus mille viginti duo ora, totidemque linguas habet, & adhuc elinguis est: sideribus cæli Dotes Virginis comparatae sunt, & ad exiguum veniunt. Tot sint cæli, quot stellæ, & ordiri encomium poteris: tot sint Protei, quot versus, & loqui incipies. Quid nunc dicam igitur? Voluisti laudare Virginem; hoc est laudare.

THAVMAY.

CHISTVS Sol, MARIÆ Luna. Virginis Protœum satis non fuisse, nisi & Filij accederet. Vtriusque consideratio. Nova numerorum mysteria, & miracula.

CAELVM in terram descendere, & è Lunâ nasci Solem! Quia Deus ad homines venit, venisse cœlum arbitror: quia Sol CHRISTVS est, Lunam MARIAM esse. Sol CHRISTVS, & cœlum illustrat: Luna MARIÆ, & cælo illustratur. Sol communione naturæ noster est, & diem facit: Luna nostra, & noctem tollit. Cæli beneficio Diuinitatis miraculum designatur. Noctem cœlum nullam habet; dies in terris nocte distinguitur. Ita est, caliginem suam vita humana habet: diuina, pleno & perpetuo iubare donata est. Satis igitur Pietati non fuit, inuenire Protœum, qui Lunæ pulchritudinem, stellarum omnium vultu indicaret: inuenit, qui ad infinitum accederet, & innu-

innumeris penitus formis diuinam æterni Solis faciem repræsentaret. Iunxit Solem Lunæ, Proteum Proteo; & Virginem Dei laudibus, Deum Virginis extulit. Quantum in Deo hîc laudatur, Virgo complexa est; Deum enim complexa. quantum in Virgine, infinito accedit; Deus infinitus est. M A R I A E Proteus millies bis & vicies conuerti potest, sensu & metro saluis; C H R I S T I Proteus, tricies sexies centies millies, vicies octies millies, & octingenties potest:

Rex, dux, Sol, lex, lux, fons, spes, pax, mons, petra,
C H R I S T V S.

O mirum! ô ter mirum! Quid non mens æternitatem cogitans potest? ad immensum se erigit, hæc Virgo est; ad infinitum, hic Deus est. in immenso decor vincit, in infinito numerus. Hoc mirum quoque: plus Vates præsttit, vbi minor rem complexus est summam; minus, vbi maiorem. Et an mirum tamen? ad infinitum nullo accedes numero; ad immensum numerus stellarum gradus est. Itaque amplius puto, in mille Proteum Parthenium formas verti, vt Virgo celebretur; quām in tricies sexies centenas milles, vt perfectam imaginem Deus accipiat. Regem, ducem, Solem, legem, lucem, fontem, spem, pacem, montem, petram Deum nomina, adhuc totus non est. & vin' vt vnâ totum voce exprimam? C H R I S T V S E S T. Ita hîc quoque monas

O 2 deca-

decadem superat. Vnus est Deus, in quo sunt omnia, & à quo: vnus, & infinitus. Virginis item Proteus, quia Dotium & siderum comparationem habet, non minùs mysterio, quàm numero versuum variatur. In imaginem stellas deducit, & tot adsciscit imagines, quot palantes polo stellæ sunt. Prorsus circumscriptum siderum chorūm transcendere carmen non poterat, nisi vt varietatis miraculum imminueretur. Imò, si res dicenda est, pulchrius hīc erat, æquare stellas, quàm excēdere. maius, immensi numerum pictā & stellatā cæli copiā prosequi, quàm infiniti copiam simplici verborum numero accedere. Immensum illud, vt dixi, Virgo est; infinitum, Deus. Virgo cæli imagine, Deus nullā adumbratur. Ad summam, si formarum spectem pretium, pulchritudine suā Marianus exsurgit Proteus. Omnino, quam laudat, refert: formosus est.

T H A V M A Φ.

Virginem laudat, qui adorat; adorat, qui laudat. Angelica Salutationis verba, ac mysteria in Proteo. Τὸ χαῖρεν, Plenitudo gratia, Presentia Dei.

NON simplici cultu Pietas contenta est: vt laudet Virginem, adorat; vt adoret, laudat. Pium puta Proteum, hoc agit: laudat Virginem, sed